

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-467/13  
Sarajevo, 24.04.2013. godine

**Z A P I S N I K**  
**14. VANREDNE SJEDNICE DOMA NARODA PARLAMENTA FEDERACIJE**  
**BOSNE I HERCEGOVINE, održane 18. aprila 2013. godine**

Sjednica je počela u 11.24.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio delegate, predstavnike Vlade Federacije, predstavnike akreditiranih medijskih kuća koji prate rad sjednice, predstavnike boračkih udruženja i goste.

Izostanak sa sjednice opravdala je Hanka Vajzović.

Na osnovu evidencije Stručne službe, predsjedavajući je konstatovao da sjednici prisustvuje 54 delegata, što čini većinu, te Dom naroda može raditi i punovažno odlučivati.

Predsjedavajući je objasnio delegatima razlog hitnosti zakazivanja vanredne sjednice. Podsjetio ih je da je Predstavnički dom Parlamenta Federacije Bosne i Hercegovine usvojio Prijedlog Zakona o prijevremenom povoljnijem penzionisanju branilaca odbrambeno-oslobodilačkog rata, te da je potrebno da se Dom naroda što hitnije izjasni o ovom zakonu kako se ne bi ugrozio aranžman sa Međunarodnim monetarnim fondom.

Predsjedavajući je podsjetio delegate da je Vlada Federacije dostavila Prijedlog Zakona o prijevremenom povoljnijem penzionisanju branilaca odbrambeno-oslobodilačkog rata sa prijedlogom da se razmatraju po hitnom postupku.

Nakon toga, premijer Federacije Nermin Nikšić je delegatima Doma naroda obrazložio razloge razmatranja ovog zakona po hitnom postupku.

U raspravi o predloženom dnevnom redu su učestvovali: Ivo Tadić koji je, u ime Kluba delegata hrvatskog naroda, predložio da se ovaj zakon povuče iz parlamentarne procedure, predsjednik Kluba delegata bošnjačkog naroda Amir Zukić, Jasenko Tufekčić, predsjednica Kluba delegata srpskog naroda Mira Ljubijankić, Elvira Abdić-Jelenović i Nermin Nikšić.

Nakon rasprave o dnevnom redu predsjedavajući je dao pauzu na prijedlog predsjednika Kluba delegata bošnjačkog naroda Amira Zukića.

Nakon pauze, nastavljena je rasprava o dnevnom redu u kojoj su učestvovali: Amir Zukić, Jasenko Tufekčić, Esed Radeljaš koji je predložio da se Domu naroda obrate i predstavnici boračkih udruženja, Hajrudin Bećirović i Ivo Tadić.

Potom je predsjedavajući stavio na glasanje prijedloge Eseda Radeljaša i Ive Tadića.

Na osnovu rezultata glasanja, predsjedavajući je konstatovao da prijedlog Eseda Radeljaša da se po jedan predstavnik branilačkih udruženja obrati Domu naroda prije izjašnjavanja o dnevnom redu nije dobio potreban broj glasova jer je za glasalo 23 delegata, 15 delegata je bilo protiv a sedam delegata je bilo uzdržano.

Nakon toga delegati Doma naroda su se izjašnjavali o prijedlogu Kluba delegata hrvatskog naroda.

Na osnovu rezultata glasanja, predsjedavajući je konstatovao da prijedlog Kluba delegata hrvatskog naroda da se Prijedlog Zakona o prijevremenom povoljnijem penzionisanju branilaca odbrambeno-oslobodilačkog rata skine sa dnevnog reda nije dobio potreban broj glasova jer je za glasalo 20 delegata, 14 delegata je bilo protiv a 16 delegata je bilo uzdržano.

Budući da je sumnju u rezultate glasanja izrazio Esed Radeljaš, a podržali su ga Luka Faletar i Ivo Tadić, sekretar Doma naroda Izmir Hadživdić je obavio poimenično glasanje.

Na osnovu rezultata poimeničnog glasanja, predsjedavajući Doma naroda je konstatovao da prijedlog Kluba delegata hrvatskog naroda da se Prijedlog Zakona o prijevremenom povoljnijem penzionisanju branilaca odbrambeno-oslobodilačkog rata skine sa dnevnog reda nije dobio potreban broj glasova jer je za glasalo 20 delegata, 21 delegat je bio uzdržan a 14 delegata je bilo protiv.

Nakon toga, predsjedavajući je stavio na glasanje prijedlog da se Prijedlog Zakona o prijevremenom povoljnijem penzionisanju branilaca odbrambeno-oslobodilačkog rata razmatra po hitnom postupku.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije Bosne i Hercegovine, sa 31 glasom za, uz 12 glasova protiv i uz šest uzdržanih glasova, prihvatio prijedlog da se Prijedlog Zakona o prijevremenom povoljnijem penzionisanju branilaca odbrambeno-oslobodilačkog rata razmatra po hitnom postupku.

Sumnju u rezultate glasanja je izrazio Ivo Tadić a podržali su ga Luka Faletar i Mirko Batinić.

Na osnovu rezultata poimeničnog glasanja, koje je obavio sekretar Doma naroda Izmir Hadživdić, predsjedavajući Doma naroda je konstatovao da je Dom naroda Parlamenta Federacije Bosne i Hercegovine, sa 36 glasova za, uz 15 glasova protiv i uz četiri uzdržana glasa, prihvatio prijedlog da se Prijedlog Zakona o prijevremenom povoljnijem penzionisanju branilaca odbrambeno-oslobodilačkog rata razmatra po hitnom postupku.

Nakon toga, predsjedavajući je, na osnovu rezultata glasanja, konstatovao da je Dom naroda Parlamenta Federacije Bosne i Hercegovine, sa 36 glasova za, uz 13 glasova protiv i uz dva uzdržana glasa, usvojio sljedeći:

## **D N E V N I R E D**

### **1. Prijedlog Zakona o prijevremenom povoljnijem penzionisanju branilaca odbrambeno-oslobodilačkog rata - hitni postupak.**

Prijedlog Zakona o prijevremenom povoljnijem penzionisanju branilaca odbrambeno-oslobodilačkog rata utvrdila je Vlada Federacije. Naknadno je Vlada Federacije dostavila Zaključak kojim predlaže Parlamentu Federacije Bosne i Hercegovine da usvoji Inicijativu kojom će od Vijeća ministara Bosne i Hercegovine i Parlamentarne skupštine Bosne i Hercegovine zatražiti predlaganje i usvajanje

izmjene Zakona o službi u Oružanim snagama Bosne i Hercegovine kako bi se odredbe tog zakona koje razmatraju penzionisanje pripadnika Oružanih snaga Bosne i Hercegovine uskladile sa odredbama Zakona o prijevremenom povoljnijem penzionisanju branilaca odbrambeno-oslobodilačkog rata.

Predstavnički dom Parlamenta Federacije je na 16. vanrednoj sjednici, održanoj 15.04.2013. godine, usvojio Prijedlog Zakona sa jednim amandmanom koji je Vlada Federacije prihvatila pa je postao sastavni dio Prijedloga Zakona.

Amandman se odnosi na član 16. stav 3. i glasi:

„Federalni zavod za penzijsko i invalidsko osiguranje će kod donošenja rješenja za sve korisnike ovog zakona i korisnike drugih zakona kojima se penzije isplaćuju iz sredstava podračuna na osnovu člana 126. Zakona o penzijskom i invalidskom osiguranju u rješenjima navesti iznos koji se isplaćuje prema propisima iz penzijskog i invalidskog osiguranja (50% iz sredstava podračuna na osnovu člana 126. Zakona o penzijskom i invalidskom osiguranju) i iznos koji pada na teret budžeta Federacije Bosne i Hercegovine.

Iznos penzija koji se isplaćuje iz sredstava podračuna, prema članu 126. Zakona o penzijskom i invalidskom osiguranju, ne može biti viši od koeficijenta propisanih članom 6. ovog zakona.“

Prijedlog zakona razmatrala su nadležna radna tijela i dostavila izvještaje.

Prijedlog Zakona o prijevremenom povoljnijem penzionisanju branilaca odbrambeno-oslobodilačkog rata obrazložili su: Nermin Nikšić, premijer Federacije i Zukan Helez, federalni ministar za pitanja boraca i invalida odbrambeno-oslobodilačkog rata.

U raspravi su učestvovali: Predrag Kojović, Zoran Jovanović, Josip Perić, Elvira Abdić-Jelenović, Ivo Tadić, Rađo Dževad, Zijat Mušić, Amir Zukić, Tomislav Martinović, Aner Žuljević i Hajrudin Bećirović.

Nakon rasprave, delegatima Doma naroda su se obratili predstavnici boračkih udruženja: Abdulah Bašić, Midhat Hodžić, Ahmed Kulenović, Ismet Harbinja, Petar Kolakušić, Omer Hildo i Šemsudin Pojata. Domu naroda se, također, obratio i Esed Radeljaš.

Nakon toga predsjedavajući je konstatovao da su na Prijedlog Zakona o prijevremenom povoljnijem penzionisanju branilaca odbrambeno-oslobodilačkog rata amandmane podnijeli: Klub delegata hrvatskog naroda (16 amandmana), Klub delegata bošnjačkog naroda (pet amandmana), Ivo Tadić (17 amandmana) i Salko Selman (dva amandmana), te je dao pauzu kako bi se Vlada Federacije izjasnila o amandmanima.

Nakon pauze, premijer Federacije Nermin Nikšić je izjavio da Vlada Federacije ne prihvata nijedan amandman.

Budući da podnosioci amandmana nisu odustali od amandmana predsjedavajući ih je dao na glasanje.

Prvo se glasalo o amandmanima Salke Selmana.

Na osnovu rezultata glasanja, predsjedavajući je konstatovao da amandman I. Salke Selmana nije dobio potrebnu većinu jer je za glasalo 13 delegata, 18 delegata je bilo protiv a 21 delegat je bio uzdržan.

Na osnovu rezultata glasanja, predsjedavajući je konstatovao da amandman II. Salke Selmana nije dobio potrebnu većinu jer je za glasalo 15 delegata, 16 delegata je bilo protiv a 21 delegat je bio uzdržan.

Potom se glasalo o amandmanima Kluba delegata bošnjačkog naroda.

Na osnovu rezultata glasanja, predsjedavajući je konstatovao da amandman I. Kluba delegata bošnjačkog naroda nije dobio potrebnu većinu jer je za glasalo 15 delegata, 14 delegata je bilo protiv a 23 delegata su bila uzdržana.

Na osnovu rezultata glasanja, predsjedavajući je konstatovao da amandman II. Kluba delegata bošnjačkog naroda nije dobio potrebnu većinu jer je za glasalo 14 delegata, 15 delegata je bilo protiv a 22 delegata su bila uzdržana.

Na osnovu rezultata glasanja, predsjedavajući je konstatovao da amandman III. Kluba delegata bošnjačkog naroda nije dobio potrebnu većinu jer su za glasalo 22 delegata, 14 delegata je bilo protiv a 13 delegata je bilo uzdržano.

Na osnovu rezultata glasanja, predsjedavajući je konstatovao da amandman IV. Kluba delegata bošnjačkog naroda nije dobio potrebnu većinu jer je za glasalo 14 delegata, 14 delegata je bilo protiv a 22 delegata su bila uzdržana.

Na osnovu rezultata glasanja, predsjedavajući je konstatovao da amandman V. Kluba delegata bošnjačkog naroda nije dobio potrebnu većinu jer je za glasalo 15 delegata, 12 delegata je bilo protiv a 21 delegat je bio uzdržan.

Zatim se glasalo o amandmanima Kluba delegata hrvatskog naroda.

Na osnovu rezultata glasanja, predsjedavajući je konstatovao da amandman I. Kluba delegata hrvatskog naroda nije dobio potrebnu većinu jer je za glasalo 15 delegata, 13 delegata je bilo protiv a 20 delegata je bilo uzdržano.

Na osnovu rezultata glasanja, predsjedavajući je konstatovao da amandman II. Kluba delegata hrvatskog naroda nije dobio potrebnu većinu jer je za glasalo 16 delegata, osam delegata je bilo protiv a 24 delegata su bila uzdržana.

Na osnovu rezultata glasanja, predsjedavajući je konstatovao da amandman III. Kluba delegata hrvatskog naroda nije dobio potrebnu većinu jer je za glasalo 13 delegata, 12 delegata je bilo protiv a 24 delegata su bila uzdržana.

Na osnovu rezultata glasanja, predsjedavajući je konstatovao da amandman IV. Kluba delegata hrvatskog naroda nije dobio potrebnu većinu jer je za glasalo 16 delegata, osam delegata je bilo protiv a 22 delegata su bila uzdržana.

Na osnovu rezultata glasanja, predsjedavajući je konstatovao da amandman V. Kluba delegata hrvatskog naroda nije dobio potrebnu većinu jer je za glasalo 15 delegata, 10 delegata je bilo protiv a 23 delegata su bila uzdržana.

Na osnovu rezultata glasanja, predsjedavajući je konstatovao da amandman VI. Kluba delegata hrvatskog naroda nije dobio potrebnu većinu jer je za glasalo 16 delegata, 10 delegata je bilo protiv a 18 delegata je bilo uzdržano.

Na osnovu rezultata glasanja, predsjedavajući je konstatovao da amandman VII. Kluba delegata hrvatskog naroda nije dobio potrebnu većinu jer je za glasalo 14 delegata, 12 delegata je bilo protiv a 21 delegat je bio uzdržan.

Na osnovu rezultata glasanja, predsjedavajući je konstatovao da amandman VIII. Kluba delegata hrvatskog naroda nije dobio potrebnu većinu jer je za glasalo 17 delegata, šest delegata je bilo protiv a 22 delegata su bila uzdržana.

Na osnovu rezultata glasanja, predsjedavajući je konstatovao da amandman IX. Kluba delegata hrvatskog naroda nije dobio potrebnu većinu jer je za glasalo 15 delegata, 13 delegata je bilo protiv a 15 delegata je bilo uzdržano.

Na osnovu rezultata glasanja, predsjedavajući je konstatovao da amandman X. Kluba delegata hrvatskog naroda nije dobio potrebnu većinu jer je za glasalo 15 delegata, 13 delegata je bilo protiv a 20 delegata je bilo uzdržano.

Na osnovu rezultata glasanja, predsjedavajući je konstatovao da amandman XI. Kluba delegata hrvatskog naroda nije dobio potrebnu većinu jer je za glasalo 14 delegata, 10 delegata je bilo protiv a 21 delegat je bio uzdržan.

Na osnovu rezultata glasanja, predsjedavajući je konstatovao da amandman XII. Kluba delegata hrvatskog naroda nije dobio potrebnu većinu jer je za glasalo 14 delegata, 13 delegata je bilo protiv a 21 delegat je bio uzdržan.

Na osnovu rezultata glasanja, predsjedavajući je konstatovao da amandman XIII. Kluba delegata hrvatskog naroda nije dobio potrebnu većinu jer je za glasalo 15 delegata, 10 delegata je bilo protiv a 23 delegata su bila uzdržana.

Na osnovu rezultata glasanja, predsjedavajući je konstatovao da amandman XIV. Kluba delegata hrvatskog naroda nije dobio potrebnu većinu jer je za glasalo 18 delegata, 11 delegata je bilo protiv a 21 delegat je bio uzdržan.

Na osnovu rezultata glasanja, predsjedavajući je konstatovao da amandman XV. Kluba delegata hrvatskog naroda nije dobio potrebnu većinu jer je za glasalo 16 delegata, osam delegata je bilo protiv a 26 delegata je bilo uzdržano.

Na osnovu rezultata glasanja, predsjedavajući je konstatovao da amandman XVI. Kluba delegata hrvatskog naroda nije dobio potrebnu većinu jer je za glasalo 20 delegata, devet delegata je bilo protiv a 20 delegata je bilo uzdržano.

Predsjedavajući je predložio da se obavi glasanje o amandmanima II., III., XIII., XIV. i XV. koje je podnio Ivo Tadić a da se o ostalim amandmanima ne glasa jer su identični amandmanima Kluba delegata hrvatskog naroda što je Ivo Tadić prihvatio.

Nakon toga se glasalo o amandmanima Ive Tadića.

Na osnovu rezultata glasanja, predsjedavajući je konstatovao da amandman II. Ive Tadića nije dobio potrebnu većinu jer je za glasalo 18 delegata, 11 delegata je bilo protiv a 21 delegat je bio uzdržan.

Na osnovu rezultata glasanja, predsjedavajući je konstatovao da amandman III. Ive Tadića nije dobio potrebnu većinu jer je za glasalo 15 delegata, 10 delegata je bilo protiv a 20 delegata je bilo uzdržano.

Na osnovu rezultata glasanja, predsjedavajući je konstatovao da amandman XIII. Ive Tadića nije dobio potrebnu većinu jer je za glasalo 17 delegata, 13 delegata je bilo protiv a 19 delegata je bilo uzdržano.

Na osnovu rezultata glasanja, predsjedavajući je konstatovao da amandman XIV. Ive Tadića nije dobio potrebnu većinu jer je za glasalo 15 delegata, 13 delegata je bilo protiv a 22 delegata su bila uzdržana.

Na osnovu rezultata glasanja, predsjedavajući je konstatovao da amandman XV. Ive Tadića nije dobio potrebnu većinu jer je za glasalo 16 delegata, 13 delegata je bilo protiv a 22 delegata su bila uzdržana.

Budući da je Josip Perić predložio Domu naroda da usvoji zaključak predsjedavajući ga je dao na glasanje i konstatovao da je Dom naroda, sa 30 glasova za, uz osam glasova protiv i uz 13 uzdržanih glasova, usvojio sljedeći:

## **ZAKLJUČAK**

Zadužuje se premijer Federacije Bosne i Hercegovine da u roku 30 dana od dana usvajanja Zakona o prijevremenom povoljnijem penzionisanju branilaca odbrambeno-oslobodilačkog rata podnese zahtjev Ustavnom sudu Federacije Bosne i Hercegovine radi utvrđivanja da li je ovaj zakon u skladu sa Ustavom Federacije Bosne i Hercegovine.

Nakon toga se prešlo na izjašnjavanje o Prijedlogu Zakona.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije Bosne i Hercegovine, sa 32 glasa za, uz 11

glasova protiv i uz devet uzdržanih glasova, usvojio Prijedlog Zakona o prijevremenom povoljnijem penzionisanju branilaca odbrambeno-oslobodilačkog rata.

Budući da je Tomislav Mandić, koga su podržali Mijo Matanović i Mrko Batinić, izrazio sumnju u rezultate glasanja pristupilo se poimeničnom glasanju.

Na osnovu rezultata poimeničnog glasanja, koje je obavio sekretar Doma naroda Izmir Hadživdić, predsjedavajući Doma naroda je konstatovao da je Dom naroda Parlamenta Federacije Bosne i Hercegovine, sa 33 glasa za, uz 11 glasova protiv i uz 10 uzdržanih glasova, usvojio Prijedlog Zakona o prijevremenom povoljnijem penzionisanju branilaca odbrambeno-oslobodilačkog rata.

Sjednica je završena u 18:40.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVALAČI

Radoje Vidović